



## Universitätsbibliothek Paderborn

### **Instructio practica ...**

Institutiones Theologiæ Mysticæ, Seu Facilem & practicum modum  
Exercitia Spiritualia S.P. Ignatii Loyolæ per octiduum faciendi - item  
triduanam recollectionem fructosè instituendi complectens, Et  
Sacerdotibus Præcipuè, aut de Sacerdotali Statu suscipiendo  
deliberantibus accomodata, Una cum ...

**Lohner, Tobias**

**Dilingæ, 1680**

Medit. II. De fine Sacerdotis.

[urn:nbn:de:hbz:466:1-48834](https://nbn-resolving.org/urn:nbn:de:hbz:466:1-48834)

## MEDITATIO II.

Pro prima Die.

## DE FINE SACERDOTIS.

Scopus.

Digna estimatio, &amp; Prosecutio hujus finis.

## Punctum I.

Confidera I. Quis sit finis & officium Sacerdotis, nimirum I. Ut sit mediator apud Deum, per quotidianam Breviarj recitationem; nam Sacerdos, teste S. Joanne Chryso-  
 stomo, *medius stat inter Deum & Naturam humanam, il-  
 linc venientia beneficia ad nos deferens, nostras petitiones  
 illuc perferens, & Dominum iratum reconcilians.* II. Ut  
 sit Vicarius Christi in SS. Missæ sacrificio offerendo juxta il-  
 lud S. Pauli Hebr. 5. *Omnis namque Pontifex (& Sacerdos)  
 ex hominibus assumptus, pro hominibus constituitur in his,  
 qua sunt ad Deum, ut offerat dona & sacrificia pro peccatis.*  
 III. Ut sit Minister Christi & Legatus in animarum salute  
 per administrationem Sacramentorum, & Verbi divini præ-  
 dicationem procuranda, juxta eundem Apostolum 2. Cor. 5.  
*Posuit in nobis Verbum reconciliationis. Pro Christo ergo  
 legatione fungimur tanquam Deo exhortante per nos. Sic  
 agitur nos existimet homo, ut Ministros Christi, & dispen-  
 satores Mysteriorum Dei.*

Confidera II. Quanta dignitas & honor Sacerdoti ex tri-  
 plici hoc officio oriatur, illa nimirum, quam Cassianus his  
 notatu dignissimis verbis indicavit: *Sacerdos Dei altissimi,  
 stultitudinem cæli contempleris, altior es: si pulchritu-  
 dinem solis, & luna, & stellarum, pulchrior es: si discretio-  
 nem Angelorum, discretior es: si omnium Dominorum sub-  
 limitatem, sublimior es: solo Creatore tuo inferior es.*

Confidera III. Quanti proinde à te faciendum sit hoc  
 beneficium, quod ex tot millionibus hominum extractus,  
 atque ad sacerdotalem hanc dignitatem, *omnium bonorum,  
 qua in hominibus sunt, apicem, & primam nobilissimamque  
 membrorum Christi Domini partem,* ut S. Ignatius M. lo-  
 quitur

quitur, evectus es; quàm proinde deinceps gratum exhibere debeas & velis. Colloquium ad SS. Patronos.

## Punctum II.

Confidera I. Si illi homines, qui ad magna ejusmodi officia promoventur, tantopere laborant, ut omnia ad officium necessaria instrumenta & media conquirant, neminemque insuper conatum adhibent, ut personam suam quam aptissimè representent, quantò magis tu necessarias ad officium Sacerdotem dotes comparare debeas, ut personam simplicem, quæ in officio Sacerdotis involvitur, decenter ac perfecte sustineas.

Confidera II. Quænam sint illæ dotes, quæ in Sacerdotio potissimum requiruntur, nimirum I. *Magna*, id est, sciens ad functiones suas ritè obeundas *Scientia*; ne abutatur illud Osee c. 4. *Tu repulisti scientiam; & egredieris pellam te, ne sacerdotio fungaris mihi.* II. *Major prudentia*; juxta illud Servatoris Apostolis dictum Matt. 10. *Estote prudentes sicut serpentes*; alioqui si cæcus cæco ducatur præster, quid aliud timendum est, quàm ut ambo in foresta cadant? III. *Maxima sanctitas*; per quam omnimode a vitio Deo consecratur, ut nomen ipsius, idem ac *sacerdos* significans, exigere videtur. Hinc jam olim antiquis sacerdotibus Levit. 19. dictum: *Sancti estote, quia ego sanctus sum Dominus Deus Vester*; quantò magis autem à Sacerdotio novi testamenti ad tam excelsum sacrificium offerendum destinatis talis sanctitas requiretur?

Confidera III. Quomodo tu dotes has hactenus procurare studueris, aut deinceps certè procurare velis. Colloquium ad B. Virginem.

## Punctum III.

Confidera I. Quæ potissimum media adhibere debeas ad dictas tres dotes obtinendas, totamque tuam tam excellentem vocationem adimplendam; nimirum duo potissimum. Primum est, *firmissima fiducia in gratia vocationis*; si enim Principes hujus mundi tam liberaliter omnia subsidia media pro muneribus, quæ subditis suis injungunt, sic obsequiis necessaria subministrant, quantò magis Deus tam fide-

is & beneficis abundantem gratiam largietur illis, quos ad  
 unum excellsum finem, scilicet ad majorem suam gloriam, &  
 animarum salutem promovendam elegit? Alterum est, co-  
 operatio tua: nam & hinc suo modo locum habet, quod S.  
 Augustinus dixit: *Qui te vocavit & elegit sine te, non te sal-  
 vabit (& juvabit) sine te.* Hinc & S. Paulus dixit: *Abun-  
 dantius omnibus laboravi; Verumtamen non ego (solus in-  
 tellige) sed gratia DEI mecum.*

Confidera II. Quam solida & efficacia sint hæc media ad  
 prædicas tres dotes obtinendas, fructumque amplissimum  
 in vinea Domini faciendum, ita ut merito S. quidam Pater  
 dixerit: *Tantum per nos operabitur DEVS, quantum se no-  
 stra in eum fiducia extenderit.* Alius verò rectè pronun-  
 tiavit, hæc duo media esse duo talenta à DEO nobis concre-  
 dita, quæ si rectè impenderit, haud dubiè alia duo, scili-  
 cet nostram & proximi salutem simus lucraturi.

Confidera III. Quomodo hæc media adhibue-  
 ris, aut certè deinceps adhibere velis. Colloquium ad Chri-  
 stum cum affectuosissima gratiarum actione pro tam excelsa  
 vocatione.

Vide etiam, si placet, Meditationem ser. 2. & 3. in Sacer-  
 dote Christiano D. Ludovici Abellij c. 11. fol. 58. vel in Du-  
 ce vite ad vitam P. Jacobi Masenij fol. 447.

### Conclusiones.

I. Ergo audiendus S. Paulus 2. Cor. 7. & cum has promif-  
 siones habeamus (nos Sacerdotes) repurgemus nos ipsos ab  
 omni inquinamento carnis ac Spiritus, perficientes sanctifi-  
 cationem in timore DEI, nec ullam aliqua in re dantes offen-  
 sionem, ut non vituperetur ministerium nostrum, sed in o-  
 mnibus commendemus nos tanquam DEI ministros.

II. Ergo cum nihil sit excellentius in hoc seculo Sacerdo-  
 tibus, inquit S. Ambrosius, *& cum dignitatem eorum oculis  
 videamus, ut dignè noscamos, quod sumus, & quid sumus  
 professione, actione potius, quam nomine demonstramus, ut  
 actus respondeat nomini, & nomen cum operibus coincidat.*  
 Propterea autem vocantur Sacerdotes Clerici, inquit S. Hie-  
 ronymus, *quia vel de sorte Domini sunt, vel quia ipse Domi-  
 nus est pars Clericorum. Qui autem vel ipse pars est Domi-  
 ni, vel*

ni, &el Dominum partem habet, talem se exhibere debet, & ipse possideat Dominum, & possideatur à Domino.

III. Ergo Sobriam à turbis gravitatem, seriam vitam, singulare pondus dignitas sibi vendicat Sacerdotalis. Quomodo enim potest observari à Populo, qui nihil habet separatum à Populo, dispar à multitudine. Quid enim in te moratur, si tua in se recognoscatur? si nihil in te aspiciatur, quod intra in se non inveniat? si, qua in se erubescit, in te, quam reverendum arbitratur, offendat? S. Ambros. c. 3. de Sacram.

IV. Ergo exemplum esto Fidelium (ò Sacerdos) in sermone, in conversatione, in charitate, in fide, in castitate, ut Paulus 1. Tim. 4. monet; nihil enim, teste Concilio Tridentino Sess. 22. c. 1. nihil est, quod alios magis ad pietatem DEI cultum assidue instruat, quam eorum vita & exemplum, qui se divino ministerio dedicaverunt. Cum enim à rebus terrenis in altiorem locum sublatis conspiciantur, in eos tanquam speculum reliqui oculos conijciunt, ex iisque sumunt, quod imitentur.

Legatur quoque ex Thoma Kemp. l. 4. c. 5. & ista percipue verba bene perpendantur: Attende tibi, & Vide, quia ministerium tibi traditum est per impositionem manuum Episcopi. Non alleviasti onus tuum, sed arctiori jam alligatus es vinculo disciplina, & ad majorem teneris perfectionem Sanctitatis. Sacerdos omnibus virtutibus debet esse ornatus, & aliis bona vita exemplum præbere. Ejus conversatio non est cum Popularibus, & communibus hominum viciis, sed cum Angelis in cælo, aut cum perfectis viris in terra.

CONSIDERATIO PRO I. DIE.  
DE PECCATIS IN SPECIE, QUÆ A SACERDOTIBVS COMMITTI POSSVNT.

Punctum I.

Postquam gratiam divinam per brevem orationem imploraveris, incipe Statum animæ tuæ considerare. ac, ut cilius eum agnoscas, primò quomodo erga DEVM, tum quomodo circa Proximum, & tandem quomodo circa teipsum te habeas, examinare; ad hunc enim Ordinem omnes peccata virtutes revocantur, ut mox patebit.

## De Peccatis contra DEUM.

*Contra Fidem.*

1. Itaque examina Conscientiam tuam, an non aliquid contra Fidem deliqueris, dubitando de aliquo articulo, aut alio modo simili peccando.

*Contra Spem.*

2. An non diffidentiam aliquam de Providentia & Auxilio divino conceperis, nimiãmq; de rebus terrenis sollicitudinem habueris?

*Contra Charitatem.*

3. An puram actionibus tuis quotidianis intentionem praefigere neglexeris?

4. An voluntatem tuam cum divina conformare studueris?

*Contra Religionem.*

5. An Sacrificium Missæ cum debita præparatione & reverentia offerre studueris?

6. An Sacramenta legitimo modo administraveris?

7. An Horas Canonicas & alias preces, cum debita attentione & devotione recitaveris?

8. An teporem in Servitio divino negligenter excusseris?

9. An in Cultu B. V. & aliorum Sanctorum non inconspicuis, & negligens extiteris?

*Contra Gratitude.*

10. An gratus DEO pro acceptis beneficiis extiteris?

11. An non blasphemando, vel temerè jurando DEVM offenderis?

12. An non superstitiones aliquas aut vanas observantias habueris?

## Punctum II.

## De Peccatis contra Proximum.

*Cogitatione.*

1. Examina te, an non suspiciones aut temeraria iudicia de Proximo conceperis?

2. An non aversionem, odium, aut inimicitiam adversus aliquem fovetis?

3. An

3. An non invidiam aliquam habueris?
4. An non contempseris aliquem in Animo sine legitima causa?

*Verbo.*

5. An non detraxeris alicui, vel de illius defectibus muraveris?
6. An non mordacibus, asperis, aut contumeliosis dictis aliquem offenderis?
7. An non ignominiosis Agnominibus aliquem compellaris?
8. An non vitium aliquod alicui indiscretè impropere, aut immodestè irriferis?
9. An non inutiles cum aliquo rixas & contentiones institueris?
10. An non indiscretè vexatione aliquem læseris?

*Opere.*

11. An non correptionem Proximi debitam omiseris, aut in eadem nimis remissus, aut severus extiteris?
12. An non plus æquo alicui indignatus, aut iratus fueris?
13. An non in Pastoralibus tuis circa Proximum Functionibus negligens & incurius extiteris?
14. An non inordinato amore & affectu alicui Persone adhæseris?
15. An Benefactoribus gratus esse studueris?
16. An Superioribus debitam obedientiam & reverentiam exhibueris?

## Punctum III.

## De Peccatis contra seipsum.

*Cogitatione.*

1. Examina, an non cogitationes otiosas, vanas, superbas, impuras, gulosas, animo volucris, negligentèrque rejeceris?
2. An non inordinatum aliquem appetitum vanæ laudis & gloriæ, aut alterius cujusdam rei habueris?
3. An non vanam in opere quopiam complacentiam habueris?
4. An non teipsum inordinatè nimis amaveris, & propriam voluntatem nimis tenaciter sectatus fueris?

## Verbo.

5. An non Verba otiosa, vana, levia, impudica, jactabunda, scandalosa, mendacia protuleris?

## Opere.

6. An non Oculos à curioso aspectu negligenter cohibueris?

7. An non Aures vanis, murmuratorijs, aut detractorijs sermonibus nimis facilè accommodaveris?

8. An non in cibo potuque sumendo temperantiæ leges excesseris?

9. An non tactu aliquo sensuali aut impudico tui aut alieni corporis DEVM offenderis?

10. An non alio quopiam opere castitatem violaveris?

11. An non jejunijs legem aliquando violaveris?

12. An tempus non inutiliter expenderis?

13. An non immoderato aut injusto lusu peccaveris?

14. An non in adversis casibus nimis impatiens, & pusillanimitis fueris?

15. An non actiones tuas quotidianas inordinate & perfunctoriè obieris?

16. An non in bonis propositis exequendis inconstans & negligens extiteris?

Hæc & plura alia ubi percurreris, tria breviter præstare conaberis.

I. Quamnam ex his peccatis præ alijs negotium faceffant, atque in quæ frequentius lapsus sis, studiosè considerabis, nam talis reflexio mirè conducit ad sui cognitionem obtinendam, ipsamque adeò emendationem procurandam; ex hac enim cognitione convertetur Anima, ut S. Bernardus ser. 36. in Cant. ait, ad planctus & gemitus, convertetur ad Dominum, & clamabit in humilitate: *Sana Animam meam, quia peccavi tibi.*

II. Reflexes te specialiter, quàm gravium damnorum & malorum causa & radix extiterint hæc peccata, & quàm ex alijs etiam causis detestabilis sit eorum malitia, & quæ illis Apostoli Rom. 6. verbis alloqueris: *Quem fructum habuisti tunc in illis, in quibus nunc erubescis?* seriumque rubori dolorem & emendationis propositum junges.

III. Unum alteramve Medium pro curatione ejusmodi defe-



defectuum inquires, inter quæ meritò præcipuum, radicem ex qua ejusmodi peccata pullulant, extirpatio censetur, quam proinde sollicitè indagabis, & generoso animo oppugnat ac evellere incipies.

Clauderetur hæc consideratio per Psalmum *Miserere*, & alias similes preces sincerum de peccatis dolorè continentes.

MEDITATIO III.  
pro prima die.

DE INDIFFERENTIA IN USU RERUM  
creatarum summè Sacerdoti necessaria,

Scopus.

*Firmum propositum rebus creatis, non nisi quatenus ad finem conducunt, utendi.*

Punctum I.

Considera I. Quem in finem DEVS Mundum & Res creatas in eo existentes produxerit, nimirum ut Homini servarent, eumque in fine suo ultimo consequendo juvarent; ut enim Psalmista Psal. 8. testatus est dicens: *Domine quid est homo, quod memor es ejus? Minuisti eum paulo minus in Angelis. Gloria & honore coronasti eum, & constituisti eum super opera manuum tuarum.*

Considera II. Si tam felicem se olim judicavit Joseph prius à Putipharo super domum suam, postea verò ab ipso Rege Pharaone super totum Regnum Gubernator & Administrator constitutus est; quantum tu favorem & beneficentiam à DEO consecutum fuisse existimare debeas, quando non super unicam domum, aut regnum, sed super universas creaturas, quatenus tibi & alijs hominibus in usum concessæ sunt, Administrator à DEO es constitutus?

Considera III. Quàm meritò obstupescere debeas licet favorem, & cum S. Davide exclamare: *Domine, Dominus noster, quàm admirabile est nomen tuum in universa terra!* Sed & firmissimum concipere propositum, tantò potius hoc munere Administratoris fungendi, quanto magis per illius collationem beneficium tibi collatum est. Colla-